



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 3.i 6. Zakona o ustanovama ("Službeni list RBiH", broj 6/92, 8/93 i 13/94), člana 234. stav 2. Zakona o zdravstvenoj zaštiti ("Službene novine FBiH", broj 46/10) člana 13.stav 2. alineja 16. Zakona o principima lokalne samouprave u Federaciji BiH ("Službene novine FBiH", broj 49/06) i člana 19. tačka 21. Statuta Općine Breza ("Službeni glasnik Općine Breza", broj 8/09 – Prečišćeni tekst), Općinsko vijeće Breza, na sjednici održanoj dana 23.11.2011.godine, donosi

ODLUKU

o preuzimanju osnivačkih prava nad Javnom ustanovom Dom zdravlja Breza

I - NAZIV I SJEDIŠTE USTANOVE

Član 1.

Javna ustanova Dom zdravlja Breza nastavlja sa radom pod istim nazivom, po odredbama ove odluke,

Skraćeni naziv Javne ustanove je: "Dom zdravlja Breza", (u daljem tekstu Dom zdravlja).

Sjedište Doma zdravlja je u Brezi, ul. Šehidska.

II – NAZIV OSNIVAČA

Član 2.

Općina Breza preuzima prava osnivača prema Domu zdravlja.

Član 3.

Dom zdravlja Breza je javna ustanova u državnoj svojini, sa svojstvom pravnog lica, sa ograničenom odgovornošću.

Član 4.

Dom zdravlja Breza obavlja zdravstvenu djelatnost pod uslovima i na način propisan Zakonom o zdravstvenoj zaštiti, Zakonom o zdravstvenom osiguranju, Zakonom o ustanovama i ovom odlukom.

III – DJELATNOST DOMA ZDRAVLJA

Član 5.

Djelatnost Doma zdravlja Breza u skladu sa Odlukom o klasifikaciji djelatnosti Bosne i Hercegovine ("Službeni glasnik BiH", broj 47/2010) je:

86.21 Djelatnost opće medicinske prakse.

86.22 Djelatnost specijalističke medicinske prakse.

86.23 Djelatnost stomatološke prakse.

86.90 Ostale djelatnosti zdravstvene zaštite.

Dom zdravlja osigurava obavljanje zdravstvene zaštite na primarnom nivou koja obuhvata:

- Djelatnost porodične medicine,
- Djelatnost zdravstvene zaštite djece,
- Djelatnost polivalentnih patronažnih sestara u zajednici,
- Higijensko-epidemiološku zaštitu,
- Hitnu medicinsku pomoć,
- Zaštitu reproduktivnog zdravlja žena,
- Zdravstvenu zaštitu kod: nespecifičnih i specifičnih plućnih oboljenja,
- Fizikalnu i mentalnu rehabilitaciju u zajednici,
- Specifičnu zdravstvenu zaštitu radnika, kao dio medicine rada, ako je ugovorena sa poslodavcem,
- Zubozdravstvenu zaštitu,
- Laboratorijsku i radiološku dijagnostiku primarnog nivoa,
- Apotekarsku djelatnost,
- Praćenje zdravstvenog stanja stanovnika, provođenje mjera za zaštitu i unapređenje zdravlja stanovnika, prevenciju, liječenje i rehabilitaciju bolesti i povreda,
- Otkrivanje i suzbijanje faktora rizika masovnih nezaraznih bolesti,
- Specifičnu preventivnu zdravstvenu zaštitu mladih, naročito u osnovnim i srednjim školama,
- Imunizaciju protiv zaraznih bolesti,
- Liječenje i rehabilitaciju u kući,
- Palijativnu njegu.

U okviru svoje djelatnosti Dom zdravlja provodi:

- Brigu o zdravstvenoj zaštiti žena za vrijeme trudnoće, porođaja i nakon porođaja, te o drugim zdravstvenim potrebama žena,
- Mjere za promociju prirodne ishrane dojenčeta dojenja,
- Snabdijevanje lijekovima i drugim sredstvima za liječenje,
- Specijalističko-konsultativne preglede, te upućuje pacijente za specijalističko-konsultativne preglede, bolničko i drugo liječenje,
- Ispitivanje čistoće vode i higijenu hrane,
- Laboratorijsku, radiološku i drugu dijagnostiku sekundarnog nivoa,
- Vođenje evidencije i dokumentacije u skladu sa posebnim propisima,
- Ambulantni prevoz pacijenata,
- Provodi edukaciju zdravstvenih radnika,
- Druge poslove utvrđene zakonom.

Član 6.

Odluku o statusnim promjenama: spajanje, pripajanje, podjelu i izdvajanje donosi osnivač.

Odluku o proširenju ili promjeni djelatnosti donosi osnivač.

IV – OSNOVNI KAPITAL

Član 7.

Osnovni kapital Doma zdravlja Breza na dan 26.10.2011.godine iznosi 953.329,98 KM.

V – SREDSTVA ZA RAD I RAZVOJ DOMA ZDRAVLJA

Član 8.

Sredstva za rad i razvoj Dom zdravlja ostvaruje:

1. Ugovorom sa Zavodom zdravstvenog osiguranja ZE-DO kantona,
2. Ugovorom sa nadležnim Ministarstvom zdravstva koji se na osnovu zakona finansiraju iz budžeta ZE-DO kantona,
3. Ugovorom na osnovu proširenog i dobrovoljnog zdravstvenog osiguranja,
4. Iz sredstava osnivača,
5. Iz učešća korisnika zdravstvene zaštite u pokriću dijela ili ukupnih troškova zdravstvene zaštite,
6. Slobodnom prodajom usluga na tržištu,
7. Iz drugih izvora na način i pod uslovima određenim zakonom, Odlukom o osnivanju i Statutom Doma zdravlja.

Član 9.

Višak prihoda nad rashodima Dom zdravlja koristi za obnavljanje i razvoj djelatnosti, uz saglasnost osnivača.

VI – MEĐUSOBNA PRAVA I OBAVEZE
IZMEĐU OSNIVAČA I DOMA ZDRAVLJA

Član 10.

Dom zdravlja je odgovoran za svoje obaveze sredstvima sa kojima raspolaže. Osnivač ne odgovara za obaveze Doma zdravlja Breza.

Član 11.

Dom zdravlja ima pravo da u pravnom prometu zaključuje ugovore i da vrši druge pravne poslove i radnje u okviru zakona i svoje pravne sposobnosti.

VII – ORGANI UPRAVLJANJA, RUKOVOĐENJA I
DRUGI ORGANI U DOMU ZDRAVLJA

Član 12.

Organ upravljanja u Domu zdravlja je upravni odbor.

Upravni odbor ima tri člana i čine ga:

- predstavnicima osnivača.....1 član,
stručnih radnika zdravstvene ustanove....1 član,
kantonalnog ministarstva..... 1 član.

Predsjednika i članove Upravnog odbora imenuje i razrješava Općinsko vijeće na prijedlog Općinskog načelnika.

Bliže kriterije za imenovanje u upravni odbor kao i visinu mjesečne naknade za rad predsjednika i članova upravnog odbora utvrdit će Općinsko vijeće posebnim odlukama, na prijedlog Općinskog načelnika.

Direktor Doma zdravlja ne može biti član upravnog odbora.

Član 13.

Upravni odbor obavlja sljedeće poslove:

- donosi Statut Doma zdravlja,
- imenuje i razrješava direktora, odnosno V.D. direktora Doma zdravlja uz prethodnu saglasnost Općinskog načelnika,
- utvrđuje planove rada i razvoja Doma zdravlja,
- utvrđuje godišnji program rada,
- donosi finansijski plan i usvaja godišnji obračun,
- donosi opće akte o unutrašnjem uređenju i sistematizaciji poslova i druge opće akte u skladu sa zakonom i Statutom Doma zdravlja,
- odlučuje o svim pitanjima obavljanja djelatnosti radi kojih je Dom zdravlja osnovan ako zakonom nije određeno da o tim pitanjima odlučuje drugi organ,
- usmjerava, kontroliše i ocjenjuje rad direktora,
- rješava sva pitanja odnosa sa osnivačem,
- odlučuje o korištenju sredstava preko iznosa utvrđenog Statutom Doma zdravlja,
- odgovara osnivaču za rezultate rada Doma zdravlja,
- odlučuje o prigovoru zaposlenika na rješenje kojim je drugi organ, određen Statutom Doma zdravlja, odlučio o pravu, obavezi i odgovornosti zaposlenika iz radnog odnosa,
- podnosi osnivaču najmanje jedanput godišnje izvještaj o poslovanju zdravstvene ustanove,
- obavlja i druge poslove u skladu sa zakonom i Statutom Doma zdravlja.

Član 14.

Organ rukovođena u Domu zdravlja je direktor.

Direktora Doma zdravlja imenuje i razrješava Upravni odbor, uz prethodnu saglasnost Općinskog načelnika.

Ako direktor nije imenovan u skladu sa zakonom u roku od 60 dana od dana isteka konkursnog roka, odluku o postavljenju vršioca dužnosti direktora donosi upravni odbor.

Vršilac dužnosti direktora postavlja se najduže na period do 6 mjeseci i ima sva prava i dužnosti direktora.

Član 15.

Direktor organizira i vodi poslovanje, predstavlja i zastupa Dom zdravlja i odgovoran je za zakonitost rada.

Direktor podnosi upravnom odboru pisani izvještaj o cjelokupnom poslovanju Doma zdravlja jednom tromjesečno.

Direktor učestvuje u radu upravnog odbora bez prava odlučivanja.

Član 16.

Direktor može biti razriješen i prije isteka mandata na koji je imenovan u slučajevima propisanim članom 69. stav 2. Zakona o zdravstvenoj zaštiti.

Ako upravni odbor ne razriješi direktora iz razloga propisanih u stavu 2. člana 69. Zakona o zdravstvenoj zaštiti u roku od 30 od dana saznanja za nekih od razloga, rješenje o razrješenju direktora donosi nadležni minister zdravstva.

Protiv rješenja nije dopuštena žalba ali se može pokrenuti upravni spor.

Direktor na prijedlog šefova organizacionih jedinica Doma zdravlja, uz ravnopravnu zastupljenost oba spola imenuje stručno vijeće.

Stručno vijeće Doma zdravlja je savjetodavni organ direktora u čijem radu mogu učestvovati i zdravstveni saradnici.

Bliže odredbe o načinu rada i odlučivanju stručnog vijeća uređuju se Poslovnokom o radu stručnog vijeća na koji saglasnost daje direktor.

Stručno vijeće Doma zdravlja:

- raspravlja i odlučuje o pitanjima iz oblasti stručnog rada Doma zdravlja,
- predlaže stručna rješenja u sklopu djelatnosti Doma zdravlja,
- predlaže stručne osnove za program rada i razvoja Doma zdravlja,
- predlaže mjere za unapređenje kvalitete i sigurnosti rada u Domu zdravlja,
- daje upravnom odboru i direktoru mišljenja i prijedloge u pogledu organizacije rada i uslova za razvoj zdravstvene djelatnosti u skladu sa finansijskim mogućnostima,
- predlaže specijalističko usavršavanje zdravstvenih radnika i zdravstvenih saradnika, te stručno usavršavanje iz oblasti subspecijalnosti zdravstvenih radnika i zdravstvenih saradnika za potrebne zdravstvene ustanove,
- predlaže upravnom odboru obavljanje dopunskog rada zdravstvenih radnika u slučajevima od posebnog interesa za građane i rad Doma zdravlja,
- brine se o provedbi unutrašnjeg nadzora nad stručnim radom zdravstvenih radnika i zdravstvenih saradnika ustanove,
- obavlja i druge poslove propisane Statutom.

VIII – PRELAZNE I ZAVRŠNE ODREDBE

Član 17.

Dom zdravlja Breza je dužan uskladiti svoju organizaciju i poslovanje sa odredbama ove odluke u roku od 90 dana od dana stupanja na snagu ove odluke.

Član 18.

Ova Odluka stupa na snagu osmog dana od dana objavljivanja u "Službenom glasniku Općine Breza".

Član 19.

Stupanjem na snagu ove Odluke prestaje da važi Odluka o zadržavanju prava osnivača prema Domu zdravlja Breza broj: 01/1-023-101/95 od 18.01.1996.godine.

Broj: 01/1-02-2256/2011
Breza, 23.11.2011. godine

ZAMJENIK PREDSJEDAVALAČEG:
Općinskog vijeća
Samir Bureković, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 19. tačka 7. Statuta općine Breza – Prečišćeni tekst (Službeni glasnik općine Breza", broj: 8/09) i člana 15.stav 2. Odluke o dodjeli u zakup poslovnih zgrada, prostorija i garaža („Službeni glasnik općine Breza“, broj 8/08), Općinsko vijeće Breza na sjednici održanoj dana 23.11.2011. godine, d o n o s i

O D L U K U

o produženju ugovora o zakupu poslovnih prostorija

Član 1.

Produžava se Ugovor o zakupu poslovnih prostorija koje se nalaze u ul.ZAVNOBIH-a br.6. površine 68,50 m², zaključen između Općine Breza i Muslić Samira - notara iz Sarajeva, na period od jedne godine, po cijeni od 5,15 KM/1m² utvrđenoj u Odluci o dodjeli u zakup poslovnih prostorija („Službeni glasnik Općine Breza“, broj 7/09).

Član 2.

Način korištenja i obaveze korisnika regulirat će se posebnim ugovorom.

Član 3.

Za realizaciju ove Odluke zadužuje se Služba za prostorno uređenje, zaštitu okolice, geodetske i imovinsko-pravne poslove.

Član 4.

Ova Odluka stupa na snagu narednog dana od dana objavljivanja u "Službenom glasniku općine Breza".

Broj: 01/1-02-2272//11
Breza, 23.11.2011.godine

ZAMJENIK PREDSJEDAVAJUĆEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 2.12. Izbornog Zakona BiH (" Službeni glasnik BiH ", broj : 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08 i 32/10), te člana 19. tačka 25.Statuta Općine Breza ("Službeni glasnik Općine Breza", broj 8/09 – Prečušćeni tekst) i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj : 9/10 i 37/10), Općinsko vijeće Breza, na sjednici održanoj 23.11.2011.godine, donosi

ODLUKU**o stavljanju van snage Odluke o raspisivanju javnog oglasa za imenovanje člana Općinske izborne komisije Breza**

Član 1.

Stavlja se van snage Odluka o raspisivanju javnog oglasa za imenovanje člana Općinske izborne komisije Breza („Službeni glasnik Općine Breza“, broj 6/2011).

Član 2.

Ova Odluka stupa na snagu danom donošenja i ima se objaviti u „Službenom glasniku Općine Breza“.

Broj: 01/1-02-2331/11
Breza, 23.11.2011.godine

ZAMJENIK PREDSJEDAVAJUĆEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 2.12. Izbornog Zakona BiH (" Službeni glasnik BiH ", broj : 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08 i 32/10), te člana 19. tačka 25.Statuta Općine Breza ("Službeni glasnik Općine Breza", broj 8/09 – Prečušćeni tekst) i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj : 9/10 i 37/10) ,Općinsko vijeće Breza, na sjednici održanoj 23.11.2011.godine, donosi

O D L U K U
o raspisivanju javnog oglasa za imenovanje člana
Općinske izborne komisije Breza

Član 1.

Raspisuje se javni oglas za imenovanje člana Općinske izborne komisije Breza.

Član 2.

Javni oglas, iz predhodnog člana, objavit će najmanje u jednom dnevnom listu koji izlazi na području Bosne i Hercegovine i na web stranici Općine Breza.

Član 3.

Postupak javnog oglasa provest će Komisija za izbor, imenovanja i administrativne poslove, u skladu sa odredbama Izbornog Zakona BiH i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u BiH.

Član 4.

Komisija će najkasnije o ruku od 7 dana od dana zaključenja javnog oglasa utvrditi listu kandidata za člana Općinske izborne komisije i istu dostaviti Općinskom vijeću Breza.

Član 5.

Sastavni dio ove Odluke je javni oglas, koji će se objaviti u dnevnom listu iz člana 2. ove Odluke.

Član 6.

Odluku objaviti u "Službenom glasniku Općine Breza".

Broj: 01/1-02-2332/11
Breza, 23.11.2011.godine

ZAMJENIK PREDSDJEDAVAJUĆEG:
Općinskog vijeća
Samir Bureković,s.r.



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 2.12. Izbornog Zakona BiH ("Službeni glasnik BiH", broj : 23/01, 7/02, 9/02, 20/02, 25/02, 4/04, 20/04, 25 /05, 52/05, 65/05, 77/05, 11/06, 24/06, 32/07, 33/08, 37/08 i 32/10), i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj : 9/10, 37/10 i Uputstvo broj: 01-02-2-458/10 od 08.09.2011.g), te člana 1. Odluke o raspisivanju javnog oglasa za imenovanje člana Općinske izborne komisije Breza, Općinsko vijeće Breza, raspisuje

JAVNI OGLAS **za imenovanje člana Općinske izborne komisije Breza**

1. Raspisuje se javni oglas za imenovanje člana Općinske izborne komisije Breza.

Člana Općinske izborne komisije Breza imenuje Općinsko vijeće Breza, uz saglasnost Centralne izborne komisije Bosne i Hercegovine na period od 7 (sedam) godina .

2. Pravo prijave imaju svi kandidati koji ispunjavaju uvjete propisane Izbornim zakonom BiH i podzakonskim aktima , a kako slijedi:

a) za člana Općinske izborne komisije ne može biti imenovana osoba (član 2.3.IZ BiH):

- koja se ne može kandidovati u smislu odredbi člana 1.6., 1.7. i 1.7a. Izbornog zakona BiH ;

- koja je član najvišeg izvršno – političkog organa, političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);

- koja je nosilac izabranog mandata ili je član izvršnog organa vlasti , osim u slučajevima predviđenim članom 2.12.stav 4. ovog Zakona koja je kandidat za izbore za bilo koji nivo vlasti;

- kojoj je izrečena kazna za težu povredu Izbornog zakona ili propisa za koji je lično odgovorna, u posljednje četiri godine računajući od dana pravosnažnosti odluke.

b) Osoba koja se kandiduje za člana Općinske izborne komisije mora ispunjavati sljedeće opće i posebne uslove propisane Izbornim zakonom i podzakonskim aktima:

- da ima pravo glasa ;

- da ima prebivalište u općini ;

- da ima završen pravni fakultet, odnosno VII /1 stepen stručne spreme, društvenog smjera ili završenu višu školu odnosno VI /1 stepen stručne spreme društvenog smjera,

- izuzetno za člana izborne komisije može biti osoba sa VII/1 stepenom stručne spreme i drugog smjera ukoliko posjeduje iskustvo u radu izborne komisije u trajanju od najmanje dvije godine od stupanja na snagu Izbornog zakona Bosne i Hercegovine i

- da posjeduje iskustvo u provedbi izbora (članstvo u izbornoj komisiji, članstvo u biračkom odboru, rad u stručnim organima koji su pružali pomoći u provođenju izbora, objavljivanje stručnih i naučnih radova iz oblasti izbora.

Izuzetno od odredbi alineje četiri općih i posebnih uslova član izborne komisije može biti osoba koja ima završen pravni fakultet, odnosno VII/1 stepen stručne spreme.

3. Sastav općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou.

U sastavu općinske izborne komisije nastojat će se osigurati da broj članova manjeg zastupljenog spola bude najmanje 1/3 od ukupnog broja članova .

4. Uz prijavu na Javni oglas potrebno je dostaviti sljedeću dokumentaciju :

- kraću biografiju sa ličnim podacima kandidata (ime i prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi);
- ovjerenu kopiju diplome o završenom stepenu i vrsti stručne spreme;
- dokaz o izbornom iskustvu za kandidata (potvrda općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima iskustvo;
- svojeručno potpisana i od nadležnog organa ovjerena izjava o nacionalnoj pripadnosti;
- svojeručno potpisana i od nadležnog organa ovjerena izjava o nepostojanju smetnji iz člana 2.3. Izbornog zakona BiH (da nije član najvišeg izvršno-političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena kazna za težu povredu izbornog zakona ili propisa za koji je lično odgovorna u posljednje četiri godine računajući od dana pravosnažnosti odluke) i
- uvjerenje o prebivalištu izdato od strane CIPS-a .

Krajnji rok za podnošenje prijave je 8 (osam) dana od dana objave Javnog oglasa .

Po zatvaranju Javnog oglasa, Konkursna komisija za provođenje javnog oglasa izvršit će klasifikaciju kandidata .

Sa kandidatima koji ispunjavaju uslove Javnog oglasa, Konkursna komisija će obaviti intervju, nakon čega će sačiniti rang listu sa redoslijedom kandidata, prema uspjehu postignutom na intervjuu.

Nepotpune i neblagovremene prijave neće biti uzete u razmatranje.

Prijave za ovaj Javni oglas dostaviti u zatvorenoj koverti sa naznakom :

**“JAVNI OGLAS ZA IMENOVANJE ČLANA
OPĆINSKE IZBORNE KOMISIJE - NE OTVARAJ“**

na sljedeću adresu :

**KONKURSNA KOMISIJA ZA PROVOĐENJE POSTUPKA PO JAVNOM OGLASU ZA
IMENOVANJE ČLANA OPĆINSKE IZBORNE KOMISIJE**

Ulica : Bogumilska br.1.

71370 Breza

ZAMJENIK PREDSDJEDAVAJUĆEG:

Općinskog vijeća

Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 6. i 61. Zakona o građevinskom zemljištu FBiH ("Službene novine FBiH", broj 25/03, 16/04 i 67/05) i člana 19. Statuta općine Breza – Prečišćeni tekst ("Službeni glasnik općine Breza", broj 8/09), rješavajući po zahtjevu Sokić Halima iz Breze, u predmetu utvrđivanja prava vlasništva na građevinskom zemljištu na kojem je postavljen poslovni objekat bez prava korištenja zemljišta radi građenja, postupajući po presudi Kantonalnog suda u Zenici broj: 04 0 U 002953 11 U od 12.08.2011. godine, Općinsko vijeće Breza na sjednici održanoj 23.11.2011. godine, d o n o s i

R J E Š E N J E

1. ODBIJA SE zahtjev Sokić Halima iz Breze, za utvrđivanje prava vlasništva, u njegovu korist, na građevinskom zemljištu u državnoj svojini označenom kao k.č.br.152/7 u površini od 185 m² upisano u zk.ul.br. 416 k.o. Potkraj (s.p.), što odgovara dijelu k.č.br. 1531/1 k.o. Mahala (n.p.), na kojem je postavljen poslovni objekat, bez prava korištenja zemljišta radi građenja, kao neosnovan.

O b r a z l o ž e n j e

Presudom Kantonalnog suda u Zenici broj: 04 0 U 002953 11 U od 12.08.2011.godine, poništeno je rješenje ovog organa broj:01/1-02-2389/10 od 24.11.2010.godine i predmet vraćen na ponovno rješavanje.

Sokić Halim iz Breze, podnio je zahtjev za utvrđivanje prava vlasništva, u njegovu korist, na građevinskom zemljištu u državnoj svojini označenom kao k.č.br.152/7 u površini od 185 m² upisano u zk.ul.br. 416 k.o. Potkraj (s.p.), što odgovara dijelu k.č.br. 1531/1 k.o. Mahala (n.p.), na kojem je postavljen poslovni objekat, bez prava korištenja zemljišta radi građenja.

Ovaj organ je u predhodnom postupku utvrdio slijedeće:

- uvidom u Odluku o određivanju gradskog građevinskog zemljišta („Službeni glasnik Općine Breza“,br.1/07) utvrđeno je da se radi o neizgrađenom gradskom građevinskom zemljištu,

- uvidom u zemljišnoknjižni izvadak utvrđeno je da se radi o zemljištu u državnoj svojini koje je po starom premjeru označeno kao k.č.br. 152/7 u površini od 185 m² upisano u zk.ul. br. 416 k.o Potkraj, a na kojem je Rudnik mrkog uglja „Breza“ upisan kao organ upravljanja, što odgovara dijelu k.č.br. 1531/1 k.o.Mahala a u posjedu se vodi se DR.SV.RMU okno „Sretno“.

- uvidom u izvještaj Odjeljenja za prostorno uređenje i zaštitu okolice broj:03/2-3-23-935/08 od 20.10.2010.godine utvrđeno je da se za postavljeni privremeni poslovni objekat ne može naknadno izdati odobrenje za građenje.

Na naprijed izvedene dokaze saslušan je podnosilac zahtjeva dana 26.10.2010. godine koji je izjavio da je nakon provedenog konkursa za dodjelu građevinskog zemljišta u svrhu postavljanja i izgradnje poslovnih objekata, izvršio postavljanje i izgradnju poslovnog objekta na mjestu gdje je odredio urbanista, da je predmetno zemljište kupio od RMU „Breza“ d.o.o.Breza sa kojim je zaključio kupoprodajni ugovor 1999. godine, te traži da se izvrši dopuna Stručnog mišljenja Kantonalnog zavoda za urbanizam i prostorno uređenje.

Postupajući po presudi Kantonalnog suda u Zenici u ponovnom postupku utvrđeno je slijedeće:

- uvidom u Stručno mišljenje koje je dao Kantonalni zavod za urbanizam i prostorno uređenje kojim je utvrđena površina zemljišta potrebnog za redovnu upotrebu objekata u naselju Kahve, utvrđeno je da je zemljište na kojem je postavljen privremeni objekat planirano da služi za redovnu upotrebu stambeno-poslovne zgrade zv. „Staro kino“.

- uvidom u urbanističku saglasnost broj: 02/4-4-364-28/90 od 6.02.1990.godine, utvrđeno je da je poslovni objekat na predmetnom zemljištu postavljen na osnovu konkursa, te da je isti privremenog karaktera.

Na sve izvedene dokaze u ovoj upravnoj stvari kako u prethodnom tako i u ponovnom postupku saslušan je punomoćnik podnosioca zahtjeva Hadžić Zahid advokat iz Visokog dana 14.10.2011. godine koji se izjavio da se stručno mišljenje iz maja 2010.godine koje mu je prezentirano ne može primjeniti u konkretnoj upravnoj stvari jer je navedeni zahtjev podnesen prije tri godine i na isti se ima primjeniti važeći Urbanistički plan u vrijeme podnošenja zahtjeva, po kojem je bila dozvoljena gradnja, jer je za navedeni objekat bila izdata urbanistička saglasnost još 1990. godine.

Članom 61. Zakona o građevinskom zemljištu FBiH („Službene novine FBiH“, broj:25/03, 16/04 i 67/05) propisano je da se na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja za koju se može naknadno izdati odobrenje za građenje po odredbama Zakona o prostornom uređenju, općinsko vijeće će utvrditi pravo vlasništva u korist graditelja uz obavezu plaćanja naknade.

Po pitanju navoda podnosioca zahtjeva koji se odnose na kupoprodajne ugovore koje je podnosilac zahtjeva zaključio sa RMU „Breza“ d.o.o. Breza isti su ništavi i nisu provodivi u zemljišnim knjigama i katastru zemljišta, jer je prodaja dijela parcele koja je upisana kao opštenarodna imovina sa pravom upravljanja RMU „Breza“ d.o.o. Breza protivna odredbama člana 18. Zakona o građevinskom zemljištu FBiH kojim je propisano da privredno društvo može prenijeti neizgrađeno gradsko građevinsko zemljište radi privođenja trajnoj namjeni predviđenoj odgovarajućim planom samo na općinu.

U pogledu zahtjeva podnosioca zahtjeva za dopunu Stručnog mišljenja isti je neosnovan obzirom da je postupak izrade i donošenja dokumentacije prostornog uređenja regulisan Zakonom o prostornom uređenju (Sl.nonine ZE-DO Kantona“,br.2/04 i 2/08) kojim je u članu 24. propisano da se izmjene detaljnog plana uređenja mogu donijeti pet godina nakon njegovog donošenja. Odluku o pristupanju izradi ili izmjeni dokumenata prostornog uređenja donosi Općinsko vijeće na prijedlog nadležne službe.

Obzirom da od dana donošnja Stručnog mišljenja koje je izradio Kantonalni Zavod za urbanizam i prostorno uređenje u maju 2010.godine, a u smislu čl.41. Zakona o prostornom uređenju isto zamjenjuje regulacioni plan, nije prošlo pet godina, te da stranka nije ovlaštena da predlaže izmjene regulacionog plana, takvom zahtjevu stanke se nije moglo udovoljiti.

Parcelacija i dodjela gradskog građevinskog zemljišta vrši se na osnovu regulacionog plana odnosno stručnog mišljenja izrađenog od nadležne službe, stoga je neosnovan zahtjev punomoćnika stranke da se u konkretnoj upravnoj stvari primjeni važeći Urbanistički plan.

Na osnovu urbanističke saglasnosti broj: 02/4-4-364-28/90 od 6.02.1990.godine, utvrđeno je da je poslovni objekat postavljen na osnovu konkursa, koji je provodila Općina Breza te da je isti privremenog karaktera, pa su neosnovane tvrdnje punomoćnika podnosioca zahtjeva da je prema važećem Urbanističkom planu u vrijeme podnošenja zahtjeva bila dozvoljena gradnja objekta.

Na osnovu ocjene svakog dokaza posebno i svih dokaza zajedno kao i na osnovu rezultata cjelokupnog postupka, a posebno izvještaja Odjeljenja za prostorno uređenje i zaštitu okolice, ovaj organ je sa sigurnošću utvrdio da se za postojeći privremeni poslovni objekat ne može naknadno izdati odobrenje za građenje pa kako u konkretnoj upravnoj stvari nisu ispunjeni uslovi propisani članom 61. Zakona o građevinskom zemljištu FBiH za utvrđivanje prava vlasništva u korist podnosioca zahtjeva, to je odlučeno kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 od dana prijema rješenja.

Ovo rješenje će biti objavljeno u "Službenom glasniku općine Breza".

Broj: 01/1-02-2273/11
Breza, 23.11.2011.godine

ZAMJENIK PREDSJEDAVAJUĆEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 61. Zakona o građevinskom zemljištu FBiH ("Službene novine FBiH", broj 67/05) i člana 19. tačka 7. Statuta općine Breza – Prečišćeni tekst ("Službeni glasnik općine Breza", broj 8/09 – Prečišćeni tekst), rješavajući po zahtjevu Hasani Suriya iz Breze, u predmetu utvrđivanja prava vlasništva na građevinskom zemljištu na kojem je izgrađen objekat bez prava korištenja radi građenja, Općinsko vijeće Breza na sjednici održanoj 23.11.2011. godine, donosi

RJEŠENJE

I - Na gradskom građevinskom zemljištu označenom kao k.č. br. 957/56 u površini od 66 m², upisano u zk.ul.br.568 k.o. Smrekovica, što odgovara k.č.br. 766 k.o. Breza (n.p.) utvrđuje se pravo vlasništva u korist **Hasani Suriya sina Nasufa iz Breze**, kao graditelja objekta izgrađenog na tom zemljištu.

II – Hasani Suri obavezan je platiti naknadu za dodijeljeno gradsko građevinsko zemljište iz tačke I dispozitiva ovog rješenja u iznosu od 48.819,30 KM, (slovima: četrdesetosamhiljaosamstodevetnaestkonvetibilnemarka i 30/100) koja se sastoji od:

- naknade na ime prirodnih pogodnosti (renta) u iznosu od 4.709,52 KM (slovima: četirihiljadesedamstodevetkonvertibilnihmaraka i 52/100) i
- naknade za zemljište u iznosu od 44.109,78 KM (slovima: četrdesetčetirihiljadestodevetkonvertibilnemarka i 78/100).

Navedeni iznos podnosilac zahtjeva je obavezan platiti u roku od 15 dana od dana prijema ovog rješenja na račun općine Breza broj: 3380002211633634 - vrsta prihoda: 722431, šifra općine 016 .

III - Po pravosnažnosti ovog rješenja Zemljišnoknjižni ured Općinskog suda Visoko izvršit će uknjižbu prava vlasništva na zemljištu iz tačke I. dispozitiva ovog rješenja u korist Hasani Suri sin Nasufa iz Breze, sa dijelom 1/1.

IV - Ostala prava i obaveze između općine Breza i vlasnika zemljišta iz tačke I dispozitiva rješenja regulisat će se posebnim ugovorom.

O b r a z l o ž e n j e

Hasani Suri sin Nasufa iz Breze, podnio je zahtjev da se na osnovu člana 61. Zakona o građevinskom zemljištu utvrdi pravo vlasništva u njegovu korist, na gradskom građevinskom zemljištu u državnoj svojini iz tačke I dispozitiva ovog rješenja, na kojem je izgradio objekat bez prava korištenja zemljišta radi građenja.

Postupajući po navedenom zahtjevu, izvršen je uviđaj i održana je usmena rasprava na licu mjesta dana 15.11.2011. godine u prisustvu vještaka geometra i podnosioca zahtjeva, te je utvrđeno slijedeće činjenično stanje:

- da se radi o gradskom građevinskom zemljištu koje je označeno kao k.č.br. 957/56 u površini od 66 m² upiano u zk.ul.br. 568 k.o. Smrekovica, a u zemljišnoj knjizi je upisano kao opštenarodna imovina sa dijelom 1/1, što odgovara k.č.br. 766 k.o. Breza (n.p), na kojem se kao posjednik vodi Općina Breza,

- da je u posjed navedenog gradskog građevinskog zemljišta podnosilac zahtjeva stupio 1984. godine poslije provedenog konkursa za dodjelu gradskog građevinskog zemljišta radi postavljanja privremenog objekta, nakon čega je izvršio izgradnju poslovnog objekta,

- te je od Odjeljenja za prostorno uređenje i zaštitu okolice pribavljen izvještaj broj: 03/2-3-23-1213/11 od 16.11.2011.godine u kojem je navedeno da se za izgrađeni objekat može naknadno izdati odobrenje za građenje.

Naknada iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta , a koje nisu rezultat ulaganja sredstava vlasnika ili korisnika nekretnina – renta iznosi 72,00 KM po 1/m² korisne površine izgrađenog objekta koja iznosi 65,41 m², a utvrđena je u skladu sa članom 68. Zakona o građevinskom zemljištu FBiH i u skladu sa Odlukom o dopunama Odluke o građevinskom zemljištu („Službeni glasnik općine Breza“, broj 9/07).

Naknada za zemljište na kojem se utvrđuje pravo vlasništva iznosi 668,33 KM po 1/m² zemljišta, a utvrđena je Zaključkom Općinskog vijeća broj:01/1-02-2811/10 od 30.12.2010.godine.

Kako su u konkretnom slučaju ispunjeni uslovi propisani članom 61. Zakona o građevinskom zemljištu („Službene novine FBiH“ broj 25/03, 16/04 i 67/05) odlučeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 od dana dostavljanja rješenja.

Ovo rješenje će biti objavljeno u "Službenom glasniku općine Breza".

Broj: 01/1-02-2274/11
Breza, 23.11.2011.godine

ZAMJENIK PREDSJEDAVALAČEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 5. Zakona o prometu nepokretnosti („Službeni list SRBiH“, broj 58/78, 4/89, 29/90 i 22/91 i Službeni list R BiH“, broj 21/92, 3/93, 13/94 i 18/94) i člana 115. stav 3. Statuta Općine Breza – Prečišćeni tekst („Službeni glasnik Općine Breza“, broj 8/09) Općinsko vijeće Breza na sjednici održanoj dana 23.11.2011. godine, donosi

R J E Š E N J E

1. Nepokretna imovina Samoupravne interesne zajednice za stambeno-komunalnu oblast Breza označena kao k.č.br. 745/48 upisana u zk.ul. 436, k.o. Smrekovica (s.p.), što odgovara k.č.br. 735/2 k.o. Breza (n.p.) u površini od 600 m² prenosi se na Općinu Breza.

2. Po pravosnažnosti ovog rješenja Zemljišnoknjižni ured Općinskog suda u Visokom izvršit će uknjižbu prava korištenja na zemljištu iz tačke 1. dispozitiva ovog rješenja u korist Općine Breza, sa dijelom 1/1.

O b r a z l o ž e n j e

Općinsko vijeće Breza po službenoj dužnosti pokrenulo je postupak prenosa svih nekretnina koje se vode na Samoupravnoj interesnoj zajednici za stambeno-komunalnu oblast Breza na Općinu Breza.

U provedenom postupku utvrđeno je da je rješenjem Općinskog vijeća Breza broj: 01/1-023-171/98 od 13.07.1998.godine nepokretna imovina SIZ-a za stambeno-komunalnu oblast Breza prenesena na Općinu Breza.

Međutim, u postupku donošenja istog izostavljena je parcela navedena u tački 1. ovog rješenja koja se u katastarskom operatu Općine Breza vodi u posjedu Općine Breza.

U zemljišnim knjigama Općinskog suda u Visokom ista je upisana kao državna svojina sa dijelom 1/1, a SIZ-a za stambeno-komunalnu oblast Breza uknjižen je kao korisnik sa dijelom 1/1.

Zakonom o komunalnoj djelatnosti („Službeni list SRBiH“, broj 20/90) propisano je ukidanje Samoupravnih interesnih zajednica za stambeno-komunalnu oblast, pa je Općinsko vijeće Breza donijelo Odluku kojom se ukida SIZ za stambeno-komunalnu oblast Breza, a sva sredstva, pokretna i nepokretna imovina prenosi se na Općinu Breza.

Na osnovu naprijed izloženog, riješeno je kao u dispozitivu ovog rješenja.

PRAVNA POUKA:

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana prijema istog.

Broj: 01/1-02-2271/11
Breza, 23.11.2011.godine

ZAMJENIK PREDSDJEDAVAJUĆEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-05-2331/11
Breza, 23.11.2011.godine

Na osnovu člana 13.stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09 – Prečišćeni tekst) Općinsko vijeće Breza na sjednici održanoj 23.11.2011. godine, d o n o s i

R J E Š E N J E**o razrješenju predsjednika i članova Komisije za izbor, imenovanja
i administrativne poslove****I**

Razrješavaju se dužnosti predsjednika i dva članova Komisije za izbor, imenovanja i administrativne poslove:

1. Rešad Omerhodžić, predsjednik komisije,
2. Fetah Bajrić, član,
3. Zahid Omerhodžić, član,

rješenje broj: 01/1-02-3273-1/08 od 21.11.2008.godine („Službeni glasnik Općine Breza“, broj 7/08), zbog podnesenih ostavki.

II

Ovo rješenje objaviti u „Službenom glasniku Općine Breza“.

DOSTAVLJENO:
3x Članovi komisije,
1x 01/1,
1x a/a.

ZAMJENIK PREDSDJEDAVAJUĆEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-05-2332-1/11
Breza, 23.11.2011.godine

Na osnovu člana 22. tačka 4. Zakona o lokalnoj samoupravi Zeničko-dobojskog kantona („Službene novine Ze-do kantona“, broj 13/98) i člana 19.tačka 18. Statuta Općine Breza („Službeni glasnik Općine Breza“, broj 8/09 – Prečišćeni tekst) Općinsko vijeće Breza na sjednici održanoj 23.11.2011. godine, d o n o s i

R J E Š E N J E

o imenovanju Komisije za izbor, imenovanja i administrativne poslove

I

U komisiju za izbor, imenovanja i administrativne poslove, imenuju se:

1. Smailbegović Sadik, predsjednik,
2. Muratović Asim, član,
3. Smailbegović Nermana, član,

II

Zadatak komisije iz člana I ovog rješenja utvrđen je u članu 40. Poslovnika o radu Općinskog vijeća („Službeni glasnik Općine Breza“, broj 3/11 – Prečišćeni tekst).

III

Imenovanje se vrši do isteka mandata aktuelnog saziva Općinskog vijeća (mandatni period 2008/2012.g.).

IV

Ovo rješenje objaviti u „Službenom glasniku Općine Breza“.

DOSTAVLJENO:
3x Članovi komisije,
1x 01/1,
1x a/a.

ZAMJENIK PREDSJEDAVAJUĆEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2329/11
Breza, 28.11.2011.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Nacrta Budžeta Općine Breza za 2012.godinu, Općinsko vijeće Breza na sjednici održanoj dana 23.11.2011.godine, donosi

ZAKLJUČAK

I

UTVRĐUJE SE Nacrt Budžeta Općine Breza za 2012.godinu.

Po utvrđenom Nacrtu Budžeta Općine Breza za 2012.godinu sprovesti javnu raspravu u okviru vijećnika Općinskog vijeća i svih korisnika Budžeta Općine Breza.

II

Javnu raspravu sprovesti u periodu od 23.11.2011. do 23.12.2011.godine

III

Za realizaciju zaključka zadužuje se Služba za privredu, finansije i opću upravu.

Dostavljeno:
1x Služba za priv.finan.i opću upr.
1x Općinski načelnik,
1x 01/1,
1x a/a.

ZAMJENIK PREDSJEDAVAJUĆEG:
Općinskog vijeća
Samir Bureković,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-2334/11
Breza, 28.11.2011.godine

Na osnovu člana 7. Odluke o načinu obrazovanja cijena komunalnih proizvoda i usluga individualne potrošnje ("Službeni glasnik Općine Breza", broj 8/02, 1/03 i 2/07) prilikom razmatranja Odluke o cijenama komunalnih proizvoda i usluge individualne potrošnje, Općinsko vijeće Breza na sjednici održanoj dana 23.11.2011.godine, d o n o s i

ZAKLJUČAK**I**

DAJE SE SAGLASNOST na Odluku o cijenama komunalnih proizvoda i usluga individualne potrošnje.

II

U konačan tekst Odluke ugraditi date primjedbe Komisije za Statut i propise.

III

Za realizaciju zaključka zadužuje se Skupština Javnog preduzeća „Komunalno“ d.o.o. Breza.

Dostavljeno:

1x Skupština JP „Komunalno“ d.o.o. Breza,
1x JP „Komunalno“ d.o.o. Breza,
1x Služba za privredu, finansije i opć. upr.
1x 01/1,
1x a/a.

ZAMJENIK PREDSDJEDAVAJUĆEG:

Općinskog vijeća
Samir Bureković, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće
Broj: 01/1-02-2242/11
Breza, 28.11.2011. godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Općinskog plana zaštite okoliša 2012-2018 (LEAP) Općinsko vijeće Breza na sjednici održanoj dana 23.11.2011. godine, d o n o s i

ZAKLJUČAK**I**

USVAJA SE Općinski plan zaštite okoliša 2012-2018. (LEAP).

II

Sastavni dio ovog Zaključka je Općinski plan zaštite okoliša 2012-2018.

III

Za realizaciju zaključka zadužuje se Općinski načelnik sa službama.

Dostavljeno:

1x Općinski načelnik,
1x Koordinator za izradu lokalnog ekološkog
akcionog plana (LEAP)
1x Pomoćnici Općinskog načelnika,
1x 01/1,
1x a/a.

ZAMJENIK PREDSDJEDAVAJUĆEG:

Općinskog vijeća
Samir Bureković, s.r.

S A D R Ź A J

- 153. Odluka o preuzimanju osnivačkih prava nad Javnom ustanovom Dom zdravlja Breza.
- 157. Odluka o produženju ugovora o zakupu poslovnih prostorija.
- 158. Odluka o stavljanju van snage Odluke o raspisivanju javnog oglasa za imenovanje člana Općinske izborne komisije Breza.
- 159. Odluka o raspisivanju javnog oglasa za imenovanje člana Općinske izborne komisije Breza.
- 160. Javni oglas za imenovanje člana Općinske izborne komisije.
- 162. Rješenje o odbijanju zahtjeva Sokić Halima iz Breze.
- 164. Rješenje o utvrđivanju prava vlasništva Hasani Surija iz Breze.
- 166. Rješenje o prenosu vlasništva sa SIŽ-a za stambeno-komunalnu oblast Breza na Općinu Breza.
- 167. Rješenje o razrješenju predsjednika i članova Komisije za izbor, imenovanja i administrativne poslove.
- 168. Rješenje o imenovanju Komisije za izbor, imenovanja i administrativne poslove.
- 169. Zaključak o utvrđivanju Nacrta Budžeta Općine Breza za 2012.godinu.
- 170. Zaključak o davanju saglasnosti na Odluku o cijenama komunalnih proizvoda i usluga individualne potrošnje.
- 170. Zaključak o usvajanju Općinskog plana zaštite okoliša 2012.-2018.(LEAP).

